

Los Laga Bai celebrando 20 año den Carnaval cu Steelband Dancers

ORANJESTAD (AAN): Carnaval 48 ta e di 20 año cu e grupo Los Laga Bai ta participando den e paradanan di e fiesta di pueblo.

E biaha aki e tema di Los Laga Bai lo ta Steelband Dancers. Nos kier a refleha riba e musica y e instrument cu a sa di guia nos Carnaval pa hopi temporada. Aunke e no ta forma un parti grandi mas di nos Carnaval, toch nos ta recorda kico el a nifica pa un y tur.

Den Carnaval 48, como otro añanan atras, Los Laga Bai lo ser acompaña pa Robert Jean-

dor y su Solo Banda Show. Orquesta cu semper a sa di anima nos participantenan den tur nos paradanan y nos warm up party.

Los Laga Bai ta habri su temporada di Carnaval diasabra awor cu un dia especial di inscripcion na Lenor N.V. den Fergusonstraat for di 10'or di mainta te 1'or di merdia. Nos kier a invita tur persona cu a yega di participa cu nos den Carnaval den e ultimo 20 añanan y esunnan cu kier fomra parti di nos grupo pa promer biaha, pa pasa y admira nos disfraz y haci uso

di e oportunidad pa inscribi nan mes. Despues di e dia aki, inscripcion lo continua dia 5 di Januari 2002 y tur subsecuente diasabra na Lenor N.V.

Los Laga Bai lo ta participando e biaha aki atrobe den e Lighting Parade y den e paradanan di San Nicolas y Oranjestad. Tambe nos lo tin nos tan gusta Warm Up Party y nos Cool Down Party net despues di e Parada di Oranjestad.

Pa e ocasion di nos 20 año den Carnaval, Los Laga Bai lo ta publicando un buki conmemorativo, ilustrando e comienzo di nos grupo carnavalesco, te awor cu nos ta celebrando nos di 20 año.

Nos ta spera di conta cu apoyo di un y tur pa e temporada di Carnaval di Los Laga Bai lo ta un exito completo. Pas mas informacion of pregunta, Por tuma contacto cu Victor Winklaar jr. na telefon 931959

